

華府詩友社 嘗試集

第九十五期

June
2011

華府詩友社

柳暗花明 張暢繁

熏風有意送芳塵。候鳥南回報早春。
紫荊清靈傳雅意，海棠紅盛憶斯人*。
冰霜過後千枝放，桃李爭先萬戶新。
柳暗花明前路闊，滿懷歡樂語難陳。

*李清照詞「如夢令」：卻道海棠依舊。知否。知否。應是綠肥紅瘦



新月灘破曉 張暢繁

一輪紅日耀汪洋。黑影全消面曙光。
水瀉沙凝潮起落，風吹浪湧鳥飛翔。
無涯更覺蒼穹闊，有難尤知友愛長。
三載浮沉仍健在，海灘閒步曉雲揚。

注：新月灘(Crescent Beach) 乃 North Myrtle Beach 之一部份



日本仙台大災

許翼雲



劇震搖山撕大地，狂潮滅頂溺生民。
驚魂未定家園毀，輻氣飆升爆炸頻。
主事磋跎鑄大錯，下僚冒死救燃薪。
黔黎有義誠堪佩，政府無仁豈服人。



日本福島縣核洩漏事件有感

王顏鑄


天然億載試生存。化電聲光何足論。
誰共核心尋福島，不知亡命是高溫。



春日漫步偶感

夏曙芳

群芳競豔翠坪中。搖曳迎風萬紫紅。
方道春光關不住，稍縱即逝去匆匆。



與東海老友遊溪邊公園 夏曙芳

濛濛細雨到溪邊*。嫩綠鵝黃粉紫添。
二九同窗于大度*，古稀佳友賞春奩。

*溪邊公園（Brookside Garden）在華府近郊。

*東海大學在台中大度山麓。



九十六歲感懷兩首

史固華

九六生年苦樂多。親朋盡去獨消磨。
娛心健體存餘勇，不讓時光信手搓。

回首前塵惜舊緣。人生九六度餘年。
雪泥多處留痕跡，只恨親朋去若煙。




長相思・別情 莊生尙

上天難。入地難。一眨長長十整
年。容華猶眼前。似無緣。
又有緣。緣去緣來皆黯然。賞山
魂夢牽。



逍遙樂·謝榮璋先生邀宴華府京劇社餐敘 余亦在座因賦此詞用山谷春意漸歸芳草韻

陳新雄



眾喜春來芳草。東主豪情，異地京音難杳。舊友新知，花臉青衣，留影餐廳同照。追思年少。且高歌，韓信蕭何，李唐宋趙。有清脆絲琴，悅耳歡笑。戲曲支支全好。莫言鬢絲漸老。聽幽咽流泉，絃掩抑，似人道。逍遙真可樂，看遍綠遮紅遶



歸田樂引·看網路惡夢有感用山谷暮 雨濛堦砌韻

陳新雄

網路惡夢上中下三輯記錄中共文化大革命迫害賢良破壞文化摧殘人性至為可恨而此種無法無天之惡行全由毛澤東一手導演犯如此罪行仍將其遺像高懸北京天安門上真令人欲哭無淚也。

為欲上堦砌。歎毛酋、是非顛倒，家國全都碎。怨你又捧你。恨你惜你。歷史文物全非是。花殘尚未已，人性如今渾無計。十年紛亂，鬥得人憔悴。明裏和暗裏。夢裏心裏，一向難言但垂淚。



醉蓬萊·七六生辰兒孫相聚華府新大旺酒家祝 壽賦感用山谷對朝雲鬢鬢韻看晚晴正好

陳新雄

七六生辰，兒孫相倚。大旺餐廳，亦裝潢莊麗。鐵板瓷盤，鮮魷龍利，竟一齊全會。快意千杯，縈懷百感，情歡盈淚。聞道人生，去愁得樂，望眼臺員，重洋煙水。人昔相迎，每驅車為騎。學苑雲集，杏壇人滿，自覺揚吾袂。往事牽纏，吾身已老，何如歸是。



附·錢拓醉蓬萊·次韻伯元師七六生辰兒孫相聚華府新大旺酒家祝壽賦感賀吾師壽慶


遠隔重洋，和聲相倚。授我詩詞，盡雄奇流麗。爽朗揚聲，不時弦誦，令我心融會。絳帳青燈，高吟古雅，蠟臺乾淚。謹奉諄言，不知勞倦，養氣胸懷，但嗜明水。鴻志充盈，杖履羸輕騎。願效師風，論道英發，令振衣揮袂。俯仰推移，周行君子，自當如是。



風入松·喜重逢

張暢繁

當年離亂各西東。尚是兩頑童。重洋萬里音書斷，時飛逝，歡聚成空。猶記芒青荔熟，與君爬樹挑紅。重回故里喜相逢。已是兩衰翁。執手莫談家國事，兒時樂，回味無窮。笑我騎牛大叫，嘲君扮鬼裝瘋。



憶江南四首

周涓

一女中高中三年剪影

春光好，玄武泛輕舟。撩水掀波瀾瀝瀝，歡歌笑語蕩悠悠。少女不知愁。
初夏夜，星斗捧金鉤。天井乘涼懂遠景，群芳發願效神州。美夢總風流。
秋氣爽，靈谷疊高丘。俯視平陵非極目，仰攀及頂不回頭。更上一層樓。
冬雪降，期考幾時休？促膝明窗勤復習，比肩書館細推究。情誼愈相投。



欄杆萬里心 周涓

—寄語高中畢業五十五週年同學聚會




童顏鶴髮話當年，變換風雲一瞬間。 萬里春
風弄管弦，奏新篇，半球西東共福田。



雨霖鈴·晚春烟雨

李青瑾


天涯漫路。寂寥臺榭，燕影何處。
微寒向曉臨眺，依然翠岫，參差蒼樹。
迴野蒹樵徑悄，惹悲戚離緒。
卻怎奈、銷盡芳菲，倦眼啼鶻怨聲苦。
猶回顧楚雲無語。悵匆匆、往事東風去。愁烟雨又催
滴，疏柳畔、晚江輕霧。綺閣幽深，驚問殘梅弄笛傷
暮。夢已覺、空惜春歸，任落花飛絮。



六州歌頭·東瀛血訓

李青瑾

無端震塌，復捲浪狂癲。
風雲幻，雷霆怒，渺烽煙。庶民寒。
北國春櫻戚，徒何奈，誰與賦，
輻射洩，全球撼，競擔肩。
遍野瘡痍，苦雨哀鴻唳，觸目垣殘。
似滄溟一粟，流不盡淒酸。祈禱青天。保平安。
捨身豪士，肇衝險，楊花落，岳潸然。
地猶窄，人已密，倏忽間。禍綿延。
記取東瀛劫，血訓惕，共艱難。
拋舊恨，紛協力，建家園。
切盼當今俊傑，速研發、綠色能源。
廢核醍醐灌，護潔淨山川。澤及塵寰。



西江月·月熊淒淚

李青瑾

玉兔天堂夢遠，月熊地獄聲哀。
腹裝鐵甲膽汁排。人道如今安在。
江葦橫馳險浪，山風難逐陰霾。
夕陽西下滿悲懷。佛海宏施博愛。





Acknowledgment:

Pictures and images come from the internet
and personal collections.

(If you think we have included pictures and images not in the public domain, please let us know and we will remove them upon notice.

Send e-mail to: contact@poetry-chinese.com.



華府詩友社

www.classicalchinese poetry.com